

Jit-pún ê kòai-sū

Tâi-lâm Hú-siâⁿ Kàu-hōe-pò

1886

Chha-put-to 10 nî chêng, tī Jit-pún ê chng-siā ū 1 làng khi hiōh tī hit kheh-tiām, tī hia chiāh hó mih, iā tòa hó só-chāi, chhiáⁿ làng lâi chhoe siau chhiūⁿ kheh, lim chiú khòai-lók 1 tiūⁿ. Kàu beh khùn ê sī, hoan-hù tiām-chú, kah i bîn-á-chài 11 tiám-cheng tiōh kiò i chhiⁿ.

Hit ê tiām-chú chiū chiàu i ê oē, kàu hit-sī jip-khi beh kiò-i; khòaⁿ-kìⁿ bîn-chhng chêng soan-chhut 1 ki hô-lí bóa, hut-jiân kiaⁿ kàu bē-kò-tit, sūi-sī cháu-chhut-lâi, phah-sng hit ê làng-kheh tek-khak sī iau-kòai. Ka-tī teh siūⁿ-kioh m̄-kú ū hoan-hù-i, nā bô kiò-i, iū kiaⁿ liáu hō i kòe-siāu khiàn-chek. Kō-put-chiong koh-chài jip-khi, chiū khòaⁿ hit ê làng-kheh chē tī bîn-chhng, teh chiāh hun.

Hit ê làng-kheh khòaⁿ-kìⁿ tiām-chú sim-sin tah-hiahⁿ, chiū mng-i, “Lí ū jip-lâi chia khòaⁿ-kìⁿ sáⁿ-hòe?” Tāi-seng tiām-chú m̄-káⁿ kóng, kan-ta the-sī kóng, “Bô ah, Bô ah!” Hit ê làng-kheh koh kóng, “Lí tek-khak ū khòaⁿ-kìⁿ sim-mih-leh, lí tiōh bēng-bēng kā góa kóng.” Hit ê tiām-chú jiân-āu chiah kā i kóng láu-sit, “Góa ū khòaⁿ-kìⁿ 1 ki hô-lí bóa.”

Hit ê làng-kheh chiah in i kóng, “Hm̄-hm̄, lí taⁿ í-keng ū khòaⁿ-kìⁿ, góa put-hông sit-chài kā lí kóng. Góa chiū-sī lâu hô-lí, siōng-sī tiām tī soaⁿ-nih; chit-tiáp lâi chia sī beh pān tāi-chì. Lí só khòaⁿ só thiaⁿ chit-hō sū, lí toàn-toàn m̄-thang kā làng kóng. Lí nā kó-jiân án-ni, siók-hō lí put-lūn ū chiⁿ hē tī biō-nih, góa beh hō lí ke 1 pōe.” Kóng liáu, chiū chò i khí-sin, lóng bô poàⁿ-îⁿ só-hùi hō-i; hit ê tiām-chú iā m̄-káⁿ kā i thêh.

Thêng-hāu kàu bîn-á-chài, chiū chin-chiāⁿ thêh 50 chíⁿ hē tī biō-nih chhi-khòaⁿ; kàu āu-jit lâi khòaⁿ, kó-jiân ū pìⁿ 100. Hē kàu kuí-nā jit, iū-goân sī án-ni, chài hit ê tiām-chú put-chí chhim-sin-lah. Sim-koaⁿ ná tham, kàu lô-bóa chiū khiōh kàu 100 khor, koh khi hē hia.

Kàu bîn-á-chài khi khòaⁿ, m̄-nā bô ke, hām i ka-tī-ê iā soah bô-khi. Iáu-kú m̄ sí-sim, chiū koh khi hē 1 pái; keh-jit khi khòaⁿ, iū-goân sī bô-khi. Kàu hit-tiáp, chiū chai-kioh sī hō kong-kùn phah-phian-khi; hit ê làng sêng-sit m̄-sī hô-lí, put-kò sī chai in ū tui-tiōng hit ê khiàn-sng, só-í chhoe chit ê phang lâi choán-chiāh-i.